

20232093647

СОБРАНИЕ НА РЕПУБЛИКА СЕВЕРНА МАКЕДОНИЈА

L I G J PËR NDRYSHIMIN DHE PLOTËSIMIN E LIGJIT TË AKCIZAVE (*)

Neni 1

Në Ligjin e Akcizave (*) (“Gazeta Zyrtare e Republi kës së Maqedonisë së Veriut” nr. 108/19, 143/19, 225/19, 275/19, 77/21 dhe 57/22), në nenin 5, pika 11) fshihet.

Pikat 12), 13), 14), 15), 16), 17), 18) dhe 19) bëhen pika 11), 12), 13), 14), 15), 16), 17) dhe 18).

Neni 2

Në nenin 18, paragrafi (3) fshihet.

Paragrafi (4) bëhet paragrafi (3).

Paragrafi (5) fshihet.

Neni 3

Në nenin 30, paragrafi (1) ndryshohet si më poshtë:

“Mbajtësi i magazinës së akcizave, zotëruesi i lejes për shfrytëzues preferencial të të mirave të akcizës dhe paguesi i akcizës për energjinë në elektrike, gazin natyror, thëngjillin, koksin, linjitin dhe koksin e naftës detyrohen të parashtrajnë garanci në organin doganor kompetent për sigurimin e pagesës së borxhit të akcizave që mund të krijohet për të mirat e akcizave që janë në procedurë të shtyrjes së akcizave në përputhje me dispozitën e këtij ligji”.

Paragrafi (4) ndryshohet si më poshtë:

“Vlera e garancisë për sigurimin e borxhit të akcizës që mund të krijohet për të mirat e akcizave që prodhohen, përpunohen, ruhen ose pranohen në magazinën e akcizave në procedurën e prolongimit të akcizave, vlera e garancisë për sigurimin e borxhit të akcizave që mund të krijohet për të mirat e akcizave që pranohen, ruhen dhe shfrytëzohen në vendin e shfrytëzimit preferencial, si dhe vlera e garancisë për sigurimin e borxhit të akcizave që mund të krijohet te paguesi i akcizave për energjinë elektrike, gazin natyror, thëngjillin, koksin, linjitin dhe koksin e naftës, përcaktohet nga organi doganor kompetent në varësi të vlerës së borxhit të akcizave që mund të krijohet gjatë periudhës së akcizave.”

Paragrafi (7) ndryshohet si më poshtë:

“Në rast të përfundimit të vlefshmërisë së lejes së akcizave, aprovimit për shfrytëzues preferencial të të mirave të tyre ose lejes për detyrues të akcizave për energjinë elektrike, gazin natyror, thëngjillin, koksin, linjitin dhe koksin e naftës, garancia mund të zhbllkohet nëse akciza është paguar për të mirat e akcizave të stoqeve dhe për të mirat e akcizave për të cilat është krijuar detyrimi për pagesën e akcizave para ndërprerjes së vlefshmërisë së lejes, aprovimit për shfrytëzues preferencial ose lejes për detyrues të akcizave për energjinë elektrike, gazin natyror, thëngjillin, koksin, linjitin dhe koksin e naftës, si dhe në rastet kur nuk mund të krijohet në vijimësi borxhi i akcizave për të mirat e tyre që i nënshtrohen procedurës së prolongimit të akcizave”.

* Ky ligj është në përputhje me Direktivën e Këshillit 92/83/KEE të datës 19 tetor 1992 për harmonizimin e strukturave të akcizës për alkoolin dhe pijet alkoolike (CELEX nr. 31992L0083), Direktivën e Këshillit (BE) 2020/1151 më datë 29 korrik 2020 për ndryshimin dhe plotësimin e Direktivës 92/83/KEE për harmonizimin e strukturave të akcizës për alkoolin dhe pijet alkoolike (CELEX nr. 32020L1151), Direktivën e Këshillit (BE) 2020/262 më datë 19 dhjetor 2019 për përcaktimin e arazhmaneve të përgjithshme për akcizën (CELEX206L nr. 32020L0262) dhe Direktivën e Këshillit 2011/64/BË më datë 21 qershor 2011 mbi strukturën dhe vlerën e akcizës për produktet e duhanit (CELEX nr. 32011L0064).

Në paragrafin (12), pika 1), në fund të fjalisë lidhëza “dhe” zëvendësohet me presje.

Në pikën 2), pika në fund të fjalisë zëvendësohet me lidhëzën “dhe” dhe shtohet pika e re 3) si më poshtë:

“3) zotëruesi i lejes për detyrues të akcizave për energjinë elektrike, gazin natyror, thëngjillin, koksin, linjitin dhe koksin e naftës është në pronësi shtetërore”.

Neni 4

Në nenin 31, paragrafi (4) fshihet.

Neni 5

Në nenin 47, paragrafi (2), fshihen fjalët “Me rastin e kthimit të akcizës së paguar për energjensat nga neni 92, paragrafi (3), pikat 1), 2) dhe 5) të këtij ligji, përlllogaritja bëhet sipas akcizës së përcaktuar”.

Neni 6

Në nenin 50, pas paragrafit (2) shtohet paragrafi i ri (3), si më poshtë:

“(3) Me përjashtim të paragrafit (2) të këtij neni, kushtet nga paragrafi (1), pikat 2), 3), 4), 5) dhe 8) të këtij neni, nuk zbatohen kur parashtuesi është organ shtetëror, institucion publik, shkencor ose arsimor ose institucion publik shëndetësor.”

Paragrafi (3) bëhet paragrafi (4).

Neni 7

Në nenin 64, paragrafi (2) ndryshohet si më poshtë:

“Magazina e akcizave në të cilën prodhohet apo përpunohet vera dhe produktet e ndërmjetme duhet të jetë e pajisur me pajisje matëse për matjen e sasisë dhe pajisje matëse për matjen e pjesës së vëllimit të alkoolit të pastër për produktet e ndërmjetme. Pajisjet matëse duhet të posedojnë certifikatën e organit kompetent për verifikimin e pajisjeve matëse ose matja e sasisë dhe pjesës së vëllimit të alkoolit të pastër të produkteve të ndërmjetme duhet të konfirmohet nga institucioni i autorizuar në fushën e metrologjisë.”

Neni 8

Në nenin 65, paragrafi (3) ndryshohet si më poshtë:

“Magazina e akcizave në të cilën prodhohet ose përpunohet alkooli etilik dhe pijet alkoolike duhet të pajiset me pajisje matëse për matjen e sasisë dhe pajisje matëse për matjen e pjesës së vëllimit të alkoolit të pastër. Pajisjet matëse duhet të posedojnë certifikatë nga organi kompetent për verifikimin e pajisjeve matëse, ose matja e sasisë dhe pjesës së vëllimit të alkoolit të pastër për produktet e ndërmjetme duhet të konfirmohet nga ndonjë institucion i autorizuar në fushën e metrologjisë.”

Neni 9

Në nenin 70, paragrafi (1), pika 2, në fund të fjalisë shtohen fjalët "prodhon pa licencë dhe".

Neni 10

Në nenin 74, paragrafi (1), në pikat 11) dhe 12), fjalët "shfrytëzim nga njerëzit" zëvendësohen me fjalët "konsumim ose destinohet për mirëmbajtjen dhe pastrimin e pajisjeve të prodhimit që shfrytëzohen në atë proces prodhimi".

Në pikën 12), fjalët "shfrytëzim nga njerëzit" zëvendësohen me fjalët "konsumim ose destinohet për mirëmbajtjen dhe pastrimin e pajisjeve të prodhimit që shfrytëzohen në atë proces prodhimi".

Pas pikës 13), pika në fund të fjalisë zëvendësohet me pikëpresje.

Pas pikës 13) shtohet pikë e re 14), si më poshtë:

"14) alkool etilik për prodhimin e suplementeve ushqimore që përmbajnë alkool etilik, me kusht që ambalazhi komercial i hedhur në treg të mos tejkalojë 0.15 litra". Me suplementet ushqimore në aspektin e kësaj pike nënkuptohen produktet e përcaktuara nga rregulloret e sigurisë së ushqimit."

Neni 11

Në nenin 75, paragrafi (1), në fund të fjalisë së dytë pika zëvendësohet me presje dhe shtohen fjalët "sipas destinimit".

Në paragrafin (4), në fund të fjalisë shtohet fjali e re siç vijon: "Pajisja për dozim përzierje dhe ngjashëm duhet të posedojë certifikatën e organit kompetent për verifikimin e pajisjeve matëse".

Paragrafi (6) ndryshohet si më poshtë:

"Denatyrimi i alkoolit mund të bëhet vetëm në prani të të autorizuarve nga organi kompetent doganor. Për denatyrimin e alkoolit, përpilohet procesverbal i cili nënshkruhet nga të autorizuarit nga organi kompetent doganor dhe të autorizuarit nga magazina e akcizave ku kryhet denatyrimi".

Neni 12

Në nenin 77, paragrafi (4) ndryshohet si më poshtë:

"Produktet që tërësisht ose pjesërisht përmbajnë materie joduhani, por plotësojnë kriteret:

- e nenit 78, paragrafi (1) të këtij ligji konsiderohen si cigare;
- e nenit 80, paragrafi (1) të këtij ligji konsiderohen si duhan dhe
- e nenit 80, paragrafi (8) të këtij ligji konsiderohen si produkt duhani që nuk digjet.

Neni 13

Në nenin 80, pas paragrafit (7) shtohet paragrafi i ri (8) si më poshtë:

"(8) Produkti bimor për pirje, përmes procesit të ngrohjes që i nënshtrohet akcizave paraqet konsiderohet si produkt i prodhuar nga pjesët e thata të bimëve ose frutave, që nuk përmbajnë duhan, ndërsa mund të konsumohen përmes procesit të ngrohjes, pavarësisht nëse përmban ose jo nikotinë".

Neni 14

Pas nenit 84 shtohet neni i ri 84-a si më poshtë:

"Neni 84-a

Akciza e cigareve e nenit 78, paragrafi (1) të këtij ligji është 3.253 denarë për copë dhe 9% e çmimit të shitjes me pakicë për kuti. Nëse akciza e kombinuar është më e ulët prej 3.453 denarëve për copë, zbatohet akciza minimale në vlerë prej 3.453 denarëve për atë sasi".

Neni 15

Pas nenit 85 shtohet neni i ri 85-a si më poshtë:

“Neni 85-a

(1) Akciza e cigareve puro e nenit 79 të këtij ligji është 21.37 denarë për copë dhe 9% e çmimit të shitjes me pakicë.

(2) Akciza e puretave e nenit 79 të këtij ligji është 10.00 denarë për copë dhe 9% e çmimit të shitjes pakicë.

(3) Akciza e duhanit për pirje si duhan i imtësuar i nenit 80, paragrafi (2) të këtij ligji është 2.300,00 denarë për kilogram të peshës neto dhe 0% e çmimit të shitjes me pakicë.

(4) Akciza e duhanit për pirje si lloj tjetër duhani për pirje nga neni 80, paragrafi (3) të këtij ligji dhe duhani për llullë me ujë (nargjile) nga neni 80, paragrafi (1), pika 3) të këtij ligji është 2.300,00 denarë për kilogram të peshës neto dhe 0% e çmimit të shitjes me pakicë.

(5) Akciza e duhanit për thithje dhe duhanit për përtpyje nga neni 80, paragrafi (4) dhe (5) të këtij ligji është 2.300,00 denarë për kilogram të peshës neto dhe 0% e çmimit të shitjes me pakicë.

(6) Akciza e produktit të padjegshëm të duhanit nga neni 80, paragrafi (6) të këtij ligji është 4.000,00 denarë për kilogram të peshës neto të përbërjes së duhanit dhe 0% e çmimit të shitjes me pakicë.

(7) Akciza me përmbajtje lëngu që shfrytëzohet për mbushjen e cigares elektronike të nenit 80, paragrafi (7) të këtij ligji është tre denarë për vëllim në mililitër.”

Neni 16

Në titullin e nenit 98-a, pas fjalëve “akciza për” shtohet fjala “shënuar”.

Neni 17

Në nenin 103, paragrafi (9) ndryshohet si më poshtë:

“Personi që kryen tregti me energjensja, që përmbajnë materie për shënim, detyrohet:

1) Në çdo vend shitjeje t’u mbajë evidencë personave që blejnë energjensja që përmbajnë materie për shënim të destinuar për ngrohje;

2) ta informojë organin doganor kompetent për çdo ndryshim të të dhënave të lejes, si dhe në rast të ndryshimit statusor, ndalesës së kryerjes së veprimtarisë ose hapjes dhe mbylljes së vendeve të shitjes me pakicë;

3) të parashtrorë raport mujor te organi doganor kompetent për sasitë e blera, të shitura dhe sasitë e stokut të energjensave që përmbajnë materie për shënim”.

Në paragrafin (12), pika 3) fshihet.

Pikat 4), 5), 6) dhe 7) bëhen pikat 3), 4), 5) dhe 6).

Neni 18

Titulli i nenit 116 dhe neni 116 ndryshohen si më poshtë:

“Kundërvajtjet lidhur me mospagimin e borxhit të akcizave dhe konfiskimin e të mirave

(1) Gjobë në vlerë prej 50 deri 500 euro në kundërvlerë denari do t’i shqiptohet si kundërvajtje tregtarit mikro dhe tregtarit të vogël, si dhe gjobë në vlerë prej 250 deri 700 euro në kundërvlerë denari do t’i shqiptohet si kundërvajtje tregtarit të mesëm dhe tregtarit të madh, kur vlera e akcizës së papaguar ose të shmangur është deri 250 euro në kundërvlerë denari ose kur vlera e të mirave të akcizës është deri 500 euro në kundërvlerë denari, nëse:

1) nuk ka parashtruar deklaratë akcize ose deklaratë shtesë të akcizës dhe/ose nuk e ka paguar akcizën brenda afatit të caktuar (neni 10, paragrafët (2), (6), (8), (9), (10), (11), (12), (13) dhe (14), neni 40, paragrafi (3), pika 2); neni 43, paragrafi (4), pika 1) dhe 2); neni 44, paragrafi (7), pika 1) dhe 2); neni 47, paragrafi (9); neni 60, paragrafët (1) dhe (2); neni 61, paragrafi (17); neni 68, paragrafi (1); neni 71, paragrafi (2); neni 86 paragrafët (1) dhe (2); neni 87, paragrafi (17); neni 106, paragrafët (4) dhe (6); neni 109, paragrafët (4) dhe (6) dhe neni 112 paragrafët (2) dhe (3));

2) në deklaratën e akcizës gabimisht është shënuar vlera e akcizave që duhet të paguhet ose është shënuar gabimisht lënda e tatimit dhe vlera e akcizës që shkakton që akciza të mos paguhet ose të paguhet në vlerë më të vogël se sa është përcaktuar (neni 10, paragrafët (6) dhe (8); neni 60, paragrafët (1) dhe (2); neni 61, paragrafi (17); neni 68, paragrafi (1), neni 71, paragrafi (2), neni 86, paragrafët (1) dhe (2); neni 87, paragrafi (17); neni 106 paragrafët (4) dhe (6); neni 109, paragrafët (4) dhe (6); neni 112, paragrafët (2) dhe (3));

3) prodhon, përpunon, pranon, ruan dhe/ose dërgon të mira që i nënshtrohen akcizave në procedurën e shtyrjes së akcizës pa leje akcize (neni 16, paragrafi (3));

4) lejen e akcizave ose aprovimin e dhënë nga organi kompetent doganor ia ka bartur ndonjë personi tjetër (neni 23, paragrafi (3); neni 27, paragrafi (3), neni 28, paragrafi (4); neni 29, paragrafi (3); neni 44, paragrafi (5); neni 52, paragrafi (4); neni 72, paragrafi (5), neni 101, paragrafi (2); neni 103, paragrafi (8), neni 114, paragrafi (7));

5) fillon me qarkullimin e të mirave të akcizës në procedurën e shtyrjes së akcizave që nuk janë regjistruar në Sistemin e qarkullimit dhe të kontrollit të të mirave të akcizave (neni 34, paragrafi (1));

6) lëshon në qarkullim të mirat e akcizave që nuk janë të shënuara me pullë akcize, prodhon dhe stampon pa autorizim pulla akcize, ose janë shënuar me pullë akcize të dëmtuar, si dhe në mënyrë tjetër nga ajo që është përcaktuar, e cila nuk është ngjitur në ambalazh në mënyrën e përcaktuar (neni 61, paragrafët (1), (3), (4), (5) dhe (6); neni 70, paragrafët (5) dhe (6) dhe neni 87, paragrafët (1), (3), (4) (5) dhe (6));

7) nuk ka dorëzuar raport për pullat e akcizave të marra, të përdorura dhe të kthyer në afatin e paraparë ose nuk i ka kthyer në organin kompetent doganor pullat e akcizës që nuk janë përdorur ose janë dëmtuar në procesin e prodhimit në afatin e caktuar dhe me këtë është krijuar borxh akcize (neni 61, paragrafët (12) dhe (15) dhe neni 87, paragrafët (12) dhe (15));

8) vepron në kundërshtim me nenin 44, paragrafi (1);

9) vepron në kundërshtim me nenin 70, paragrafi (8);

10) fillon me prodhimin e alkoolit pa e njoftuar organin kompetent doganor (neni 73, paragrafët (4) dhe (5));

11) denatyrton alkoolin pa aprovimin e organit kompetent doganor (neni 75, paragrafi (2) dhe (3));

12) nuk ka përlllogaritur dhe paguar diferencën e akcizave gjatë rritjes së akcizës për alkoolin dhe pijet alkoolike, produktet e duhanit dhe energjensat, si dhe gjatë rritjes së çmimit të shitjes me pakicë të produkteve të duhanit (neni 76, paragrafi (3); neni 89, paragrafi (3) dhe neni 104, paragrafi (2));

13) vepron në kundërshtim me nenin 87, paragrafi (17);

14) nuk e deklaron ose publikon çmimin e shitjes me pakicë në afatet e përcaktuara kohore dhe lëshon në qarkullim të mirat e akcizave para se të raportojë çmimin e shitjes me pakicë ose çmimin e ndryshuar të shitjes me pakicë te organi kompetent doganor nëse çmimi i shitjes me pakicë ndikon në vlerën e akcizës dhe/ose lëshon në qarkullim dhe/ose shet të mira të akcizave me çmim të ndryshëm nga çmimi i shitjes me pakicë (neni 83, paragrafët (3), (4) dhe (5) dhe neni 88, paragrafi (4));

15) vepron në kundërshtim me nenin 88, paragrafi (3) dhe nenin 88-a;

16) shënon energjensat edhe pse nuk është zotëruar i lejes së akcizës dhe nuk ka aprovim për shënimin nga organi kompetent doganor (neni 101, paragrafi (2));

17) shet dhe/ose mbush dhe/ose përdor (shfrytëzon) energjensa pa aprovimin e organit doganor kompetent, në kundërshtim me destinimin e tyre, ose energjensat që përmbajnë mjete për markim, ua heq mjetin për markim, zvogëlon koncentrimin ose shton përbërës që do të pamundësojnë përcaktimin e markimit të caktuar (neni 101 paragrafët (1), (2) dhe (5) dhe neni 102 paragrafët (1), (2) dhe (3)) dhe

18) бën tregti me vajrat e gazit dhe me kerozin në kundërshtim me nenin 103 paragrafët (1), (2) dhe (9) të këtij ligji.

(2) Gjobë në vlerë prej 15 deri 150 euro në kundërvlerë denari do t'i shqiptohet si kundërvajtje sipas paragrafit (1) të këtij neni, përgjegjësit në personin juridik, kur vlera e akcizës së papaguar ose të shmangur është deri 250 euro ose kur vlera e të mirave të akcizës është deri 500 euro në kundërvlerë denari.

(3) Gjobë në vlerë prej 15 deri 150 euro në kundërvlerë denari do t'i shqiptohet si kundërvajtje sipas paragrafit (1) të këtij neni, personit fizik kur vlera e akcizës së papaguar ose të shmangur është deri 250 euro në kundërvlerë denari ose kur vlera e të mirave të akcizës është deri 500 euro në kundërvlerë denari.

(4) Gjobë në vlerë prej 500 deri 1.000 euro në kundërvlerë denari do t'i shqiptohet si kundërvajtje sipas paragrafit (1) të këtij neni, personit juridik tregtar mikro dhe tregtar i vogël, si dhe gjobë në vlerë prej 700 deri 1.000 euro në kundërvlerë denari do t'i shqiptohet personit juridik tregtar i mesëm dhe tregtar i madh, kur vlera e akcizës së papaguar ose të shmangur është nga 250 deri 1.000 euro në kundërvlerë denari ose kur vlera e të mirave të akcizës është nga 500 deri 4.000 euro në kundërvlerë denari.

(5) Gjobë në vlerë prej 100 deri 500 euro në kundërvlerë denari do t'i shqiptohet si kundërvajtje sipas paragrafit (1) të këtij neni, përgjegjësit në personin juridik, kur vlera e akcizës së papaguar ose të shmangur është prej 250 deri 1.000 euro në kundërvlerë denari ose kur vlera e të mirave të akcizës është prej 500 deri 4.000 euro në kundërvlerë denari.

(6) Gjobë në vlerë prej 100 deri 250 euro në kundërvlerë denari do t'i shqiptohet si kundërvajtje sipas paragrafit (1) të këtij neni personit fizik ose kur vlera e akcizës së papaguar ose të shmangur është prej 250 deri 1.000 euro në kundërvlerë denari ose kur vlera e të mirave të akcizës është prej 500 deri 4.000 euro në kundërvlerë denari.

(7) Gjobë në vlerë prej 1.000 deri 2.000 euro në kundërvlerë denari do t'i shqiptohet si kundërvajtje sipas paragrafit (1) të këtij neni personit juridik tregtar mikro, si dhe gjobë prej 1.000 deri 4.000 euro në kundërvlerë denari do t'i shqiptohet tregtarit të vogël, përkatësisht gjobë në vlerë prej 1.000 deri 12.000 euro në kundërvlerë denari do t'i shqiptohet personit juridik tregtar i mesëm dhe gjobë prej 2.000 deri 20.000 euro në kundërvlerë denari do t'i shqiptohet personit juridik tregtar i madh, kur vlera e akcizës së papaguar ose të shmangur është mbi 1.000 euro në kundërvlerë denari ose kur vlera e të mirave të akcizës është mbi 4.000 euro në kundërvlerë denari;

(8) Gjobë në vlerë prej 300 deri 1.000 euro në kundërvlerë denari do t'i shqiptohet si kundërvajtje sipas paragrafit (1) të këtij neni përgjegjësit në personin juridik, kur vlera e akcizës së papaguar ose të shmangur është mbi 1.000 euro në kundërvlerë denari ose kur vlera e të mirave të akcizës është mbi 4.000 euro në kundërvlerë denari.

(9) Gjobë në vlerë prej 300 deri 500 euro në kundërvlerë denari do t'i shqiptohet si kundërvajtje sipas paragrafit (1) të këtij neni personit fizik, kur vlera e akcizës së papaguar ose akcizës së shmangur është mbi 1.000 euro në kundërvlerë denari ose kur vlera e të mirave të akcizës është mbi 4.000 euro në kundërvlerë denari.”

Neni 19

Titulli i nenit 117 dhe neni 117 ndryshohen si më poshtë:

“Kundërvajtjet lidhur me mospërmbushjen e detyrimeve

(1) Gjobë në vlerë prej 50 deri 250 euro në kundërvlerë denari do t'i shqiptohet si kundërvajtje personit juridik tregtar mikro dhe tregtar i vogël, si dhe gjobë në vlerë prej 200 deri 500 euro në kundërvlerë denari do t'i shqiptohet si kundërvajtje personit juridik tregtar i mesëm dhe tregtar i madh, kur vlera e të mirave të akcizës është deri 500 euro në kundërvlerë denari, nëse:

1) nëse nuk ka parashtruar deklaratë të akcizave në afatin e përcaktuar për të mirat e akcizave, për të cilat nuk krijohet borxh i akcizave (neni 10 paragrafët (4) dhe (5));

2) nëse gjatë lëshimit të të mirave të akcizave, nuk lëshohet faturë apo dokument tjetër në mënyrën e përcaktuar për dërgimin e të mirave të akcizave (neni 13, paragrafi (1));

3) nëse nuk ruhen faturat, dokumentet e tjera dhe librat afariste në afatin e përcaktuar (neni 13, paragrafi (5); neni 53, paragrafi (3); neni 114, paragrafi (16));

4) Nëse mbajtësi i magazinës së akcizave vepron në kundërshtim me nenin 17, nenin 18, paragrafi (2) dhe nenin 24, paragrafi (1);

5) nëse organit doganor kompetent i jepen të dhëna të paplota ose të pasakta, ose nuk janë mënjeluar parregullsitë në afatet e përcaktuara (neni 26, paragrafi (2), pika 3) dhe 4); neni 27, paragrafi (10), pika 4) dhe 5), neni 28, paragrafi (10), pika 3) dhe pika 4), neni 29, paragrafi (9), pika 4) dhe 5), neni 44, paragrafi (9), pika 3) dhe 5); neni 55, paragrafi (2), pika 3) dhe 4); neni 72, paragrafi (12), pika 3) dhe 4); neni 98-a, paragrafi (3); neni 98-b, paragrafi (3); neni 98-b, paragrafi (3); neni 103, paragrafi (12), pika 5) dhe 6) dhe neni 114, paragrafi 3), 4) dhe 7));

6) vepron në kundërshtim me nenin 27, paragrafi (4); nenin 28, paragrafi (5); nenin 29, paragrafi (6) dhe nenin 30, paragrafët (1) dhe (2);

7) të mirat e akcizave i nënshtrohen procedurës së prolongimit të akcizave, për të cilat nuk është stampuar versioni i dokumentit administrativ elektronik ose ndonjë dokument tjetër tregtar i cili përcillet me të mirat e akcizave apo ndonjë dokument administrativ në letër apo nëse lëshon të mirat e akcizave pa i përcjellë ato me ndonjë dokument administrativ më të thjeshtësuar (neni 34, paragrafi (9), neni 37 paragrafët (1) dhe (4), neni 40, paragrafi (1), neni 41, paragrafi (1), pika 1) dhe neni 47, paragrafi (8));

8) nëse vepron në kundërshtim me nenin 34, paragrafi (11); nenin 36, paragrafi (6); nenin 40, paragrafi (3), pikat 1) dhe 3); nenin 41, paragrafi (1), pikat 2) dhe 3) dhe paragrafi (2); nenin 43, paragrafi (4), pika 3) dhe paragrafi (5); nenin 44, paragrafi (7), pika 3); nenin 53 paragrafët (1) dhe (2); nenin 61, paragrafi (20); nenin 72, paragrafi (8); nenin 87, paragrafi (21); nenin 103 paragrafët (9) dhe (10) dhe nenin 114 paragrafët (9), (10) dhe (11);

9) nëse nuk dorëzon raport për pullat e marra, të përdorura dhe të kthyera të akcizës në afatin e përcaktuar, ndërsa më pas nuk krijohet borxh i akcizave nga neni 61, paragrafi (12) dhe neni 87, paragrafi (12).

10) hiqet plomba në mungesë të organit doganor kompetent (neni 65, paragrafi 2, neni 97, paragrafi (1));

11) nëse shiten të mirat e akcizave që nuk janë shënuar me etiketë speciale (neni 70, paragrafi (7));

12) nëse vepohet në kundërshtim me nenin 73 paragrafët (6), (7), (8), (9) dhe (10);

13) gjatë rritjes së akcizës për alkoolin dhe pijet alkoolike, produktet e duhanit dhe produktet e energjensave, si dhe rritjes së çmimit të shitjes me pakicë të produkteve të duhanit, nuk ka kryer inventarizimin e stoqeve të gjetura ose nuk ka përgatitur procesverbalin për inventarizimin e kryer dhe nuk ia ka dorëzuar organit doganor kompetent në afatin e përcaktuar (neni 76 paragrafët (1) dhe (2), neni 89 paragrafët (1) dhe (2) dhe neni 104, paragrafi (1)) dhe

14) nuk e paraqet ose publikon çmimin e shitjes me pakicë në afatet e përcaktuara dhe lëshon në qarkullim të mirat e akcizave para paraqitjes së çmimit të shitjes me pakicë ose para ndryshimit të çmimit të shitjes me pakicë te organi kompetent doganor, nëse çmimi i shitjes me pakicë nuk ndikon mbi vlerën e akcizave dhe/ose lëshon në qarkullim dhe/ose bën shitjen e të mirave të akcizave me çmim të ndryshëm nga çmimi i shitjes me pakicë (neni 83 paragrafët (3), (4) dhe (5) dhe neni 88, paragrafi (4));

15) nëse vepron në kundërshtim me nenin 101, paragrafi (3) të këtij ligji.

(2) Gjobë në vlerë prej 50 deri 150 euro në kundërvlerë denari do t'i shqiptohet si kundërvajtje sipas paragrafit (1) të këtij neni përgjegjësit në personin juridik, kur vlera e të mirave të akcizës së papaguar është deri 500 euro në kundërvlerë denari.

(3) Gjobë në vlerë prej 50 deri 150 euro në kundërvlerë denari do t'i shqiptohet si kundërvajtje sipas paragrafit (1) të këtij neni personit fizik kur vlera e të mirave të akcizës së papaguar është deri 500 euro në kundërvlerë denari.

(4) Gjobë në vlerë prej 250 deri 500 euro në kundërvlerë denari do t'i shqiptohet si kundërvajtje sipas paragrafit (1) të këtij neni personit juridik tregtar mikro dhe tregtar i vogël, si dhe gjobë në vlerë prej 500 deri 1.000 euro në kundërvlerë denari do t'i shqiptohet si kundërvajtje sipas paragrafit (1) të këtij neni personit juridik tregtar i mesëm dhe tregtar i madh, kur vlera e të mirave të akcizës është nga 500 deri 4.000 euro në kundërvlerë denari.

(5) Gjobë në vlerë prej 250 deri 500 euro në kundërvlerë denari do t'i shqiptohet si kundërvajtje sipas paragrafit (1) të këtij neni përgjegjësit në personin juridik, kur vlera e të mirave të akcizës është prej 500 deri 4.000 euro në kundërvlerë denari.

(6) Gjobë në vlerë prej 150 deri 250 euro në kundërvlerë denari do t'i shqiptohet si kundërvajtje sipas paragrafit (1) të këtij neni personit fizik, kur vlera e të mirave të akcizës është prej 500 deri 4.000 euro në kundërvlerë denari.

(7) Gjobë në vlerë prej 500 deri 2.000 euro në kundërvlerë denari do t'i shqiptohet si kundërvajtje sipas paragrafit (1) të këtij neni, personit juridik tregtar mikro, si dhe gjobë prej 500 deri 4.000 euro në kundërvlerë denari do t'i shqiptohet personit juridik tregtar i vogël, përkatësisht gjobë në vlerë prej 1.000 deri 12.000 euro në kundërvlerë denari do t'i shqiptohet si kundërvajtje nga paragrafi (1) i këtij neni personit juridik tregtar i mesëm dhe gjobë prej 2.000 deri 20.000 euro në kundërvlerë denari do t'i shqiptohet si kundërvajtje sipas paragrafit (1) të këtij neni personit juridik tregtar i madh, kur vlera e të mirave të akcizës është mbi 4.000 euro në kundërvlerë denari.

(8) Gjobë në vlerë prej 500 deri 1.000 euro në kundërvlerë denari do t'i shqiptohet si kundërvajtje sipas paragrafit (1) të këtij neni përgjegjësit në personin juridik, kur vlera e të mirave të akcizës është mbi 4.000 euro në kundërvlerë denari.

(9) Gjobë në vlerë prej 350 deri 500 euro në kundërvlerë denari do t'i shqiptohet si kundërvajtje sipas paragrafit (1) të këtij neni personit fizik, kur vlera e të mirave të akcizës është mbi 4.000 euro në kundërvlerë denari.

(10) Pas konstatimit të kundërvajtjeve nga ky nen, nëpunësi doganor kundërvajtësi do t'i dorëzojë urdhërpagesë kundërvajtëse me gjobë në vlerën minimale të përcaktuar për kundërvajtjen e kryer.

(11) Pas pranimit dhe nënshkrimit të urdhërpagesës kundërvajtëse, kundërvajtësi është i detyruar që gjobën e shqiptuar sipas paragrafit (10) të këtij neni ta paguajë në afat prej tetë ditësh nga pranimi i urdhërpagesës në llogarinë e shënuar në urdhëresë, me çka do të paguajë gjysmën e gjobës së shqiptuar, e cila e drejtë mësohet në udhëzimin juridik.

(12) Nëse kundërvajtësi nuk e paguan gjobën në afatin nga paragrafi (11) i këtij neni, organi i autorizuar doganor parashtron kërkesë për ngritjen e procedurës për kundërvajtje tek organi kompetent për kundërvajtje i përcaktuar në nenin 118 të këtij ligji.”

Neni 20

Titulli i nenit 118 dhe neni 118 ndryshohen si më poshtë:

“Procedura kundërvajtëse

(1) Për kundërvajtjet e përcaktuara nga neni 116 të këtij ligji për të cilat shqiptohet gjobë sipas nenit 116, paragrafi (1), pikat 1), 2), 3), 4), 5) dhe 6) të këtij ligji dhe për kundërvajtjet sipas nenit 117 të këtij ligji për të cilat shqiptohet gjobë sipas nenit 117, paragrafi (1), pikat 1), 2), 3), 4), 5) dhe 6) të këtij ligji, procedurë kundërvajtëse dhe sanksione për kundërvajtje zhvillon dhe shqipton organi për kundërvajtje i themeluar me Ligjin e Drejtorisë Doganore.

(2) Për kundërvajtjet sipas nenit 116 të këtij ligji për të cilat shqiptohet gjobë sipas nenit 116, paragrafi (1), pikat 7), 8) dhe 9) të këtij ligji dhe për kundërvajtjet nga neni 117 të këtij ligji për të cilat shqiptohet gjobë sipas nenit 117, paragrafi (1), pikat 7), 8) dhe 9) të këtij ligji, procedurën për kundërvajtje e udhëheq gjykata kompetente.

(3) Procedura kundërvajtëse për kundërvajtje doganore nuk mund të iniciohet nëse nga dita e kundërvajtjes kanë kaluar më shumë se katër vjet.

(4) Nëse bëhet fjalë për kundërvajtje të prolonguar ose të përsëritur, afati i maturimit fillon nga dita e kryerjes së veprimit të fundit kundërvajtës.

(5) Parashkrimi nuk rezulton për kohën për të cilën, sipas ligjit, ndjekja penale nuk mund të fillojë ose të vazhdojë.

(6) Parashkrimi ndërpritet me çdo veprim procedural që ndërmerret për shkak të ndjekjes penale të kundërvajtësit, si dhe kur ai kryen kundërvajtje më të rëndë gjatë periudhës së parashkrimit.

(7) Pas çdo ndërprerjeje, afati i parashkrimit fillon të rezultojë përsëri.

(8) Parashkrimi i ndjekjes së kundërvajtjes ndodh në çdo rast kur ka kaluar dyfishi i kohës së përcaktuar në paragrafin (3) të këtij neni.”

Neni 21

Titulli i nenit 119 dhe neni 119 ndryshohen si më poshtë:

“Lidhja me ligjet e tjera

Shqiptimi i sanksionit kundërvajtës dhe përcaktimi i vlerës së gjobës kryhet sipas Ligjit të Kundërvajtjeve.”

Neni 22

Pas nenit 119, shtohet neni i ri 119-a si më poshtë:

“Neni 119-a

(1) Të mirat e akcizave dhe pajisjet për prodhimin e të mirave të akcizës që përfshihen me kundërvajtjet nga neni 116, paragrafi (1), pika 3), 4), 11), 16) dhe 17) të këtij ligji, konfiskohen.

2) Të mirat e akcizës që përfshihen me kundërvajtjet nga neni 116, paragrafi (1), pika 5), 6), 8), 9), 10), 12), 13), 14), 15) dhe 18) të këtij ligji, konfiskohen.

(3) Të mirat e akcizave, si dhe pajisjet e përdorura për prodhimin e të mirave të akcizës, konfiskohen edhe kur nuk janë në pronësi të kundërvajtësit, nëse zotëruesi i tyre ka qenë i informuar ose në bazë të rrethanave të rastit, ka mundur të informohet se i nënshtrohen kundërvajtjeve nga paragrafët (1) dhe (2) të këtij neni.

(4) Nëse të mirat e akcizave nga paragrafët (1) dhe (2) të këtij neni nuk gjenden, vlera e tyre i ngarkohet kundërvajtësit dhe iniciohet procedurë e arkëtimit të tatimit të akcizës, me ç’rast nëse ka më shumë kundërvajtjes, për vlerën e të mirave ata do të përgjigjen në mënyrë solidare. Vlerësohet se, të mirat e akcizës që janë lëndë kundërvajtjeje nuk janë gjetur nëse për ndonjë arsye nuk është mundësuar t’i konfiskohet zotëruesit.

(5) Mjeti transportues i cili është shfrytëzuar për transportin e të mirave të akcizës nga neni 116, paragrafi (1), pika 3), 5), 6), 8), 9), 10), 11), 12), 15), 16), 17) dhe 18) të këtij ligji konfiskohet, nëse vlera e të mirave të akcizave e tejkalon 20% të vlerës së mjetit transportues dhe nëse zotëruesi i mjetit transportues ka qenë i informuar ose i detyruar ose mund të informohej lidhur me shfrytëzimin e mjetit për atë lloj të të mirave të akcizës. Mjeti transportues gjithmonë do të konfiskohet nëse ai është posaçërisht i konstruktuar, përshtatur, modifikuar ose rregulluar në çfarëdo lloj mënyre për fshehjen e të mirave të akcizave.

(6) Zbatimi i paragrafëve (1), (2), (3), (4) dhe (5) të këtij neni nuk ndikon në të drejtat e palëve të treta për kompensimin e dëmit të shkaktuar nga kundërvajtësi.”

Neni 23

Në Ligjin e Akcizave (*) („Gazeta Zyrtare e Republikës së Maqedonisë së Veriut“ nr.108/19, 143/19, 225/19, 275/19, 77/21 dhe 57/22), në tërësi të tekstit të ligjit, fjalët „Republika e Maqedonisë“ zëvendësohen me fjalët "Republika e Maqedonisë së Veriut".

Neni 24

Pas nenit 124 shtohet neni i ri 124-a, si më poshtë:

“Neni 124-a

1) Nga 1 janari 2024, duke përfshirë 1 janarin 2030, vlera e akcizës specifike dhe minimale për cigaret nga neni 84-a, paragrafi (1) të këtij ligji do të rritet për 0.23 denarë për copë më 1 janar të çdo viti.

(2) Më 1 janar 2024 rritet vlera e akcizës specifike për puro nga neni 85-a, paragrafi (1) të këtij ligji për 4.00 denarë, ndërsa na 1 janari 2025 përfshirë 1 janarin 2030, rritet vlera e akcizës specifike për puro nga neni 85-a, paragrafi (1) të këtij ligji, për 2.00 denarë për copë më 1 janar të çdo viti.

(3) Më 1 janar 2024 vlera e akcizës specifike për puretat nga neni 85-a, paragrafi (2) të këtij ligji rritet për 2.00 denarë, ndërsa nga 1 janari 2025 duke përfshirë 1 janarin 2030, vlera e akcizës specifike për puretat nga neni 85 -a, paragrafi (2) të këtij ligji, rritet për 1.00 denarë për copë më 1 janar të çdo viti.

(4) Nga 1 janari 2024, duke përfshirë 1 janarin 2030, vlera e akcizës specifike për pirjen e duhanit si duhan i imtësuar, për pirjen e duhanit si lloj tjetër i duhanit, për duhanin për nargjile, duhanin për thithje dhe duhanin për përtpypje, nga neni 85-a paragrafët (3), (4) dhe (5) të këtij ligji rritet për 150.00 denarë për kilogram të peshës neto më 1 janar të çdo viti.

(5) Nga 1 janari 2024, duke përfshirë 1 janarin 2030, vlera e akcizës specifike për produktin e padjegshëm të duhanit nga neni 85-a, paragrafi (6) të këtij ligji rritet për 350.00 denarë për kilogram të peshës neto të përbërjes së duhanit më 1 janar të çdo viti.

(6) Nga 1 janari 2024, duke përfshirë datën 1 janarin 2030, vlera e akcizës për lëngun e destinuar për mbushjen e cigares elektronike nga neni 85-a, paragrafi (7) të këtij ligji rritet për 0.20 denarë për vëllim në mililitër më 1 janar të çdo viti.

Neni 25

Dispozita e nenit 13, paragrafi (1) të Ligjit për ndryshimin dhe plotësimin e Ligjit të Akcizave („Gazeta Zyrtare e Republikës së Maqedonisë së Veriut“ nr. 275/19), nuk do të zbatohet nga dita e hyrjes në fuqi të këtij ligji deri më 1 korrik 2024.

Neni 26

Procedurat kundërvajtëse të iniciuara deri datën e hyrjes në fuqi të këtij ligji do të përfundojnë sipas dispozitave të Ligjit të Akcizave („Gazeta Zyrtare e Republikës së Maqedonisë së Veriut“ numër 108/19, 143/19, 225/19, 275/19, 77/21 dhe 57/22).

Neni 27

Ky ligj hyn në fuqi tetë ditë pas botimit në „Gazetën Zyrtare të Republikës së Maqedonisë së Veriut“.